

近代中國史料叢刊續編第七十七輯
沈雲龍主編

丁中丞（日昌）政書

溫廷敬編

撫吳奏稿六卷

文海出版社

有限公司
印行

近代中國史料叢刊續編

第七十七輯

目錄

- | | | |
|-----------|-------------|------|
| 丁中丞(日昌)政書 | 撫吳奏稿六卷 | 溫廷敬編 |
| 丁中丞(日昌)政書 | 撫閩奏稿四卷 | 溫廷敬編 |
| 丁中丞(日昌)政書 | 薛吳公牘十五卷 | 溫廷敬編 |
| 丁中丞(日昌)政書 | 巡滬公牘七卷 | 溫廷敬編 |
| 丁中丞(日昌)政書 | 淮澨摘要三卷·公牘一卷 | 溫廷敬編 |
| 敏求軒述記 | 卷一—卷二 | 陳世箴輯 |
| 敏求軒述記 | 卷三—卷六 | 陳世箴輯 |
| 敏求軒述記 | 卷七—卷十 | 陳世箴輯 |
| 敏求軒述記 | 卷十一—卷十二 | 陳世箴輯 |
| 敏求軒述記 | 卷十三—卷十六 | 陳世箴輯 |

丁中丞政書編目

撫吳奏稿六卷

撫閩奏稿四卷

藩吳公牘十五卷

巡滬公牘七卷

淮釐摘要三卷

淮釐公牘一卷

凡六種三十六卷撫吳公牘五十卷已單刊不復入

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



吾粵丁日昌中丞政治經濟為前清中興名臣有一其家
舊集自滬道至接吳公牘奏稿為一編除接吳公牘印行
外其他多種皆世不經見其子孫視為祕本書坊欲代
為出版以索版權太高不果其書原名奏稿殊不足以
窺全書之蘊且各種先後凌亂前經廣東通志館主
任孟嘉纂修溫丹銘艱難借得更為編次名曰丁中丞政書校定用玉
扣紙精抄勝原本多矣原本經亂已散佚不存別溫氏

藏本彌足珍貴



撫吳奏稿一

豐順丁日昌雨生

丁中丞政書卷第一



謝 恩請 陛見疏

海運漕糧頭批放洋疏
陸潤庠恭校
大埔溫廷敬編次
設立蘇省書局疏

江北未結積案分別清理疏
出省察看地方情形片

華亭塘工攤捐興辦疏
織造加撥運款疏

出省察看公回日期片
酌定上忙銀價片

浙省海塘石工片
廣潮紳商捐輸請廣學額疏

海運漕糧克竣放洋疏
籌辦神機營餉京餉片

請緩徵邳州等處錢糧疏
請廣海門廳捐餉學額疏

會試盤費循例給發疏
全匱縣吳令等請摘頂片

撫吳奏稿一
下政一

一

謝 恩 請 陛 見 疏

奏為恭謝 天恩仰祈 聖鑒事竊臣於同治七年正月初八日准署江蘇巡撫 臣郭栢蔭來文准吏部咨開同治六年十二月十八日內閣奉 上諭江蘇巡撫著丁日昌補授等因欽此聞 命自天悚感無地當即恭設香案望 闕叩頭謝 恩訖伏念臣粵東下士才識迂疏起自田間備員未秩戎行濫廁陟 陟監司渥荷 殊恩以至旬宣吳會方愧涓埃未報虛負 聖明拔擢之隆何期疆寄驟膺實為微 臣非常之遇五中循省兢惕滋深竊以江蘇兵燹之餘閭閻既極凋敝况乎襟江帶海尤慮虞詐頻生消外釁必須固民心固民心必先清中飽 臣以多病之軀復無特達之識勞怨固當力任艱鉅恐弗克勝惟有仰懇 天恩派員暫署撫篆准 臣入都 陛見俾得親承 訓誨

庶幾隕越無慮過衆人以國士不自勝瞻天懸日之忱未
陰雨而綢繆當益勵嘗瞻卧薪之志現因郭栢蔭遵旨即赴
湖北新任臣一面先行受事將接篆日期另行恭疏題報外
所有微臣感激下忱恭請 陞見緣由謹繕摺具 奏恭謝
天恩伏乞 皇太后 皇上聖鑒訓示謹 奏
同治七年正月十三日具 奏

海運漕糧頭批放洋疏

奏為恭報蘇省海運漕白糧未頭批放洋日期專摺 奏祈
聖鑒事竊照江蘇省蘇州松江常州太倉四府州屬同治七年
起運六年分漕白二糧仍由海運前經酌議辦理章程由前署
撫臣郭栢蔭會摺具 奏一面飭催各屬上緊徵收慎選未色
陸續提前剝運赴滬盤驗免裝在案茲據代理蘇州藩司杜文

潮會同署臬司勒方鈞糧道奇克坦泰詳據海運滬局委員詳稱本年蘇省起運米石奉文提前趕辦遵經招雇寬大沙船取其承攬先行核給修費飭令趕緊修驗堅固排泊候克嗣據各屬陸續剥運米石到滬隨即驗明米色配撥沙船督飭斛兌裝運現計免竣未船一百三十隻共裝交倉漕白正耗米二十萬四千七百五十九石零並隨裝沙船經剥食耗等米二萬二千六百五十一石零搭運籌備二升餘米四千九十五石零當即發給水腳等銀取具領狀互保實裝米數各結查明攜帶器械水手籍貫填給聯單於二月初五日起委員陸續押令開至崇明十激口候風放洋北上等情轉詳請 奏前來伏查海洋遼濶巡防必宜周密且今屆海運頭批米船尚須回帆接運在後之未現報開行日期難與上屆相同尤應上緊催趲護送俾速

運行除札飭上海捕盜局照案配駕輪勇各船出洋巡梭分咨
本有隣省沿海水師按段迎提護送並飭催其餘未石趕緊剝
運兌裝接續開駛外謹將海運頭批放洋日期會同體仁閣大
學士兩江總督一等毅勇侯臣曾國藩漕運總督臣張之萬恭
摺由驛五百里馳奏伏乞 皇太后 皇上聖鑒謹 奏
同治七年二月初十日具 奏

設立蘇省書局疏

奏為蘇省設局開刊書籍擬刻收令各書以端吏治而正人心
恭摺仰祈 聖鑒事竊惟 國家設官分職皆以為民而興最
親莫如州縣得人則治失其人則亂自古為然於今尤急溯自
興以來州縣中歧途雜出流品亦互不齊雖其中固多可造之
才而平日於治民臨政之端曾未諳習體會一旦身膺民社茫

然無所持循凡百工技藝皆學而後能豈有親民大事不學而能無謬失者此循良所以日鮮而民困所由日深也夫諸子百家之書浩如淵海如理學陳編或虛渺而憚於冥索若裨志野乘雖悅目而又病支離况士子窮經咕嗶即自宏通之譽其益祇在一身若使仕優而學默勘得失利弊之源推而至於一縣則一縣受其庇矣天下者州縣之所積州縣若皆得人盜賊何從而起故今日治教吏治必先選牧令欲選牧令必先使耳濡目染於經濟致治之書然後胸中確有把握臨政不致無所適從臣現督飭局員選擇牧津牧令凡有關於吏治之書都為一編如言聽訟則分別如何判斷方可得情言催科則分別如何懲勸方免苛斂胥吏必應如何駕馭方不受其欺矇盜賊必應如何緝捕方可使之消弭他如農桑水利學校賑荒諸大政皆

為分門別類由流溯源芟節其繁冗增補其未備刊刻一竣即當頒發各屬官各一編俾資程式雖在中材亦可知所趨向譬諸百工示以規矩則運斤操斧悉中準繩庶幾士習民風因之起色至於小學為童蒙養正之基經史為藝苑大成之日謹當陸續刊成廣為流布以仰副聖天子造士作人之至意抑臣更有請者目前人心不古書賈趨利往往淫詞邪說薈萃成編水滸傳奇等書畧識之無如探秘笈無知愚民平日便以作亂犯上最足為人心風俗之憂臣在吳中業經嚴禁誠恐此等離經畔道之書各省皆有應請 旨勅下各直省督撫一體嚴加禁燬以隱戢人心放縱無所忌憚之萌似亦維持風化之一端所有臣在蘇省設立書局先刊收令各書並請禁傳奇邪說緣由由是否當伏祈 皇太后 皇上聖鑒訓示謹 奏

撫吳楊奏一

丁政一

四

同治七年閏四月十六日准禮部咨為知照事儀制司案呈內閣抄出同治七年三月初十日奉 上諭丁日昌奏設局刊刻收各書一摺州縣為親民之官地方之安危繫之丁日昌現編刊收各書頒發所屬即著實力舉行俾各州縣得所效法其小學經史等編有裨學校者並著陸續刊刻廣為流布至邪說傳奇為風俗人心之害自應嚴行禁止著各省督撫飭屬一體查禁焚燬不准坊肆售賣以端士習而正民心欽此欽遵到部相應知照江蘇巡撫遵照辦理可也

江北未結積案分別清理疏

奏為清 臣咨送同治三年以前江北未結積案擬請分別變通辦理以期速結而免淹滯恭摺仰祈 聖鑒事竊自咸豐十年蘇常淪陷巡撫臬司僻處上海與江北各屬隔絕不通所有江

北事宜暫歸
勘或由直隸
同治三年全
前漕臣吳棠
萬到任後
允准旋准咨
起均係由府
局清釐勒限
屬距蘇較遠
州縣未免觀
紛紛解省未
情重各犯得
撫吳奏稿一

重刑獄而廣 皇仁自應設法變通以期迅速藏事查同治三年以前由州縣解府審定各案曾經漕臣吳棠 奏准免其解勘設使當時早為 題結原不待今日再事推敲以仍可援照辦理擬請責成署臬司勒方銜將漕臣咨送積案查取全卷分為三等其情罪可無更定者為一等即由司查照原招核明安叙具詳請 題其情節未能詳明聲叙不盡妥協於罪名並無出入者為一等由司明晰指飭並派委員會同各州縣遵照就近提集犯証訊取確供送司核入原招辦理均免其解省審勘以免拖累至若犯供支離情罪未洽或定案後屍親犯屬呈訴冤抑或經現任州縣覆訊供情翻異者則提犯至省另行委員審辦似此分別清理庶罪無可疑之案不致提解紛煩而情有可疑之案仍不致含糊遷就積贖可期速清罪犯無寔淹滯

矣其同治三年以前未經解府審定不在漕臣咨送之內者及
四年以後未結各案仍令迅速照例招解以符定制而昭慎重
所有江北未結各案設法分別清理緣由理合恭摺具陳伏乞
皇太后 皇上聖鑒訓示謹 奏

二月二十一日

出省察看地方情形片

再蘇省各府城雖經克復數載而蹂躪已深元氣未能驟復臣
現於二月二十一日親日出省巡行察看各州縣詞訟有無積
壓錢糧有無浮收未墾田畝如何議招徠失修水利如何議開
濬必使民隱可以上達然後民困可以漸甦釐捐為餉源所自
求不嚴負役易滋弊竇臣當沿途察訪嚴杜中飽以體卹
為招徠庶上可裕餉而下不累民上海為華洋交涉之地新設

撫吳奏稿一

丁政一

六

輪船機器廠為內地仿照西法之濫觴督臣曾國藩屢次函商
急款輪船造成為自強根本臣查閱各屬後順詣上海機器廠
察看情形分別緩急催督辦理並即前往金陵與督臣曾國藩
面商一切事宜臣衙門日行事件飭委署蘇州藩司杜文瀾代
拆代行緊要事件仍包封至臣途次辦理候事竣回省另行
奏報外所有微臣出省察看地方情形緣由理合附片具奏
伏乞 聖鑒訓示謹 奏

華亭塘工攤捐興辦疏

奏為華亭海塘橋石塌損各工擬請分年次第修整恭摺奏祈
聖鑒事竊松江府屬華亭縣海塘建自前明我朝雍正二
年改建石工道光十七年修理之後歷被海潮冲刷坍塌日多
同治五年派委候補道孫士達勘估先將最險之戚家墩起至

盤頭壩止共計二百四十五丈五尺如或修整當經前署撫臣郭栢蔭會摺奏明在案此外各坍損處所因工鉅費繁尚未興辦六年十一月內據華亭縣知縣張澤仁轉據紳董張鴻章等稟稱坦坡全行衝失顯露石塘者約七百餘丈其橋石漂卸石後土衝壞者約二千餘丈呈請趕修等情即經臣曾國藩前署督撫臣郭栢蔭批經臣丁日昌在蘇藩司任內札委候補知縣錢寶清等先後詣勘並據錢寶清約估應用橋木五萬八千根開摺送由署藩司杜文瀾帶同委員親詣確勘自金山圍城東門外五里許起西至距柘林城三十里之張家庫上共分十二段計長三千七百餘丈內七百二十三丈塌卸過甚全露塘石其中第三段之二十七丈尤為險要第一第二兩段土工亦不可遲其餘各段坡土均不齊全潮汐激蕩靡常工程均形喫

撫吳奏稿一

丁政一

七

重約畧估計若全行修理需錢三十萬千文現因蘇省供給前敵軍餉經費支絀萬分而富戶近多消乏勸捐亦徒托空言擬即籌墊銀款分年舉辦遴委委員會同該府縣先將第一第二段之缺土處所加土培護並將第三段之露石險工二十七丈趕緊修整其餘次第興修所需樁木已於司庫籌動銀四萬兩委員前赴湖北採買應請查照辦理善後成案免抽稅釐至此項之資擬即在於各州縣受益民田項下按畝收捐陸續接濟工用並歸運司庫墊款每畝應捐錢若干俟全工估定確數總計田畝數目再行飭派隨正徵收惟通工所需石料向在洞庭等山採辦自兵燹後洞庭山一帶被擾最甚石匠全行散亡且老山採伐已盡現在條石無從採取祇可先辦土木碎石等工一面招集石匠採採新山合用之石再將石塘殘損處所隨時

補修等情由署藩司杜文瀾詳請具奏前來臣等伏查華亭塘工為蘇松太三府州田廬民命所關即為額徵錢漕所繫自應趕緊修築俾資捍衛據請分年興修攤征歸款併計雖為數較多分攤則眾擎易舉既於地方有益實於民力無傷所有赴楚採辦木植相應奏明請旨准予免收稅釐以昭核實除分別咨行查照外謹合詞恭摺具陳伏乞皇太后皇上聖鑒再此係民捐之工請免造冊報銷合並陳明謹奏

三月十六日

織造加撥運欵疏

奏為蘇州織造籌辦全運司局兩庫通盤籌畫委難派添撥恭摺奏祈聖鑒事竊前准蘇州織造慶林咨准內務府以歷年派辦大運趕運綢緞布疋該織造所解參差不齊以致不能應撫吳奏稿一

丁政一

八

差行文迅速籌撥銀款趕緊織辦務令全數解京等因當經行
司籌解去後臣丁日昌在蘇州藩司任內會同督辦蘇省牙釐
總局署江蘇臬司勒方錡內閣中書何慎修詳稱蘇州織造歷
派各年大運趕運綬緞等項經前撫臣李鴻章奏准於釐捐內
酌撥銀錢文該織造分別緩急量為辦理每年撥款以三萬兩
為率將一屆應辦之數分作兩年辦運嗣准戶部奏催全運因
係織務要需當於司庫萬難支應之中勉力籌濟又經詳奉
奏准自丁卯年為始司庫添撥銀一萬五千兩均經如數籌解
在案茲復通盤籌畫司庫常年所有之進項抵放必不可少之
出款時實支絀前項大運銀兩若再加撥殊屬力有未逮其局
庫月收釐金儘供前敵剿捻餉需及額放坐支各款尚實匱乏
即每年抽撥大運工需銀兩已屬勉力支撐所有司局兩庫委

難添撥情形惟有詳請 奏咨查照前經議定成案分別緩急
由蘇州織造酌量通融辦理等情前來前署撫臣郭栢蔭未及
具 奏移交到臣丁日昌會同臣曹國藩覆加確查蘇州藩庫
度支竭蹶久在 聖明照察之中邇年承應軍需全藉釐捐接
濟近因商賈利薄貿遷日稀去冬今春稽收捐釐之錢大遜於
昔兩次 奉定每年撥解織造銀四萬五千兩近均不能如期
解交要飭設法統籌始得勉强奏解據詳難以加撥誠屬實在
情形應請仍由織造 臣慶林分別緩急酌量通融辦理一俟軍
需稍鬆釐稅稍旺再當設法籌撥除咨明戶部內務府外謹合
詞恭摺具 奏伏乞 皇太后 皇上聖鑒訓示謹 奏

三月十六日

出省察看公回日期片

撫吳奏稿一

丁政一

九

奏再臣於前月二十一日出省前往各州縣巡悉一切情形并
順赴金陵與督臣曾國藩面商事件當經附片 奏明在案江
北相距較遠 臣尚未到江南各屬所有堂事批詞盜狎犯人各
簿均經臣親自分別弔查尚能隨到隨審不致積壓漕糧經去
年大為核減百姓完納尚稱踴躍書差需索浮費經 臣於藩司
任內嚴加禁革可期淨盡惟常鎮二屬荒地甚多墾漂等縣人
民百不存一招墾則土客不能相安官墾則經費尤為浩大生
敷教養尤賴地方官加意栽培蘇屬墾卡經曾國藩李鴻章嚴
加清釐之後各卡員尚能奉公守法惟商人本少利薄生意日
見蕭索此時湘淮各軍勒掇鉤稽全靠釐捐未能輕議更張一
俟軍務肅清即當分別裁併民困始能漸甦 臣仍由蘇州馳赴
上海察看情形關道應實時辦理關務不吐不如深為妥協機

器廠規模闊壯廠員分發知府馮煖光候選知府沈保靖遂於西學明體達用督率中外匠人已能就廠中原有機器以母^生子計開廠至今造成大小機器三十餘座各式開花銅礮一百四十五尊開花來福炸彈一萬八千餘夥兵槍馬槍每月約可造成二百桿與外洋無異輪船物料雖尚須取材外洋然已能自為結構計至夏秋之間當可先成長十六丈濶三文之輪船一艘該廠雖造端宏大而經費尚能絲絲入扣將來仍當講繹圖說以窮西學之源研求地理利以宏中土之用庶指授可自得師而物料亦不致仰給異域曾國藩囑臣就近時常赴滬督察該廠事宜擬業續稍暇仍當隨時前往察看茲於三月初十日旋蘇合將公回日期附片陳明伏乞 聖鑒謹 奏

三月十六日

撫吳奏稿一

丁政一

十

酌定上忙銀價片

再蘇省各州縣徵收上下忙地漕銀兩經前獲撫臣劉邨膏於同治四年裁除淨收錢漕業內會摺 奏准徵收地漕銀一兩連公費折錢二千文此後設遇銀未翔貴不得不與時疾通者於啟徵時 奏明辦理在案同治五年銀錢市價無甚貴賤未經另議更張六年冬銀價已昂本應查照 奏案量請變通因值下忙均已啟徵不及更改又經前署撫臣郭柏蔭於 奏陳冬漕折價摺內申請俟同治七年開徵上忙如銀價仍昂循業酌請加增在案嗣准部行上下忙條銀每兩連公費收錢二千文係屬奏定之案本屬銀價雖稍有增昂不得再議加增致竭民力等因當經轉行藩司核議去後茲據署蘇州藩司杜文瀾詳稱查同治四年徵收條銀 奏定銀價之時每兩易錢一千

四百文加收公費六百文足敷辦公本年銀價大昂每兩須易錢一千七百文辦公愈形支絀自應遵照奏案銀米翔貴與時變通現據各州縣援案稟請酌加如照現在銀價須加錢三百文惟念民困未甦深恐力有未逮酌中定值擬請從七年上忙為始每兩折收錢二千二百文以昭平允如銀價再長仍須酌增稍落即須核減嗣後總就市價為依昂使官民兩無虧累始足以禁私加而免藉口查蘇省州縣徵納錢糧大半先掣印串交給書差按戶收取而書差持串下鄉往往於正項之外另收川資飯食並每戶索取票錢數文各州縣雖設櫃大堂而民間之自封投櫃者十無一二上年曾經臣丁日昌於蘇藩司任內通飭州縣俱出簡明告示不准於奏定折價之外多取絲毫並令各戶一律自封投櫃所有從前串票錢文嚴飭裁除惟

窮鄉僻壤離城寫遠不得分設鄉櫃以免小民跋涉第多一
處鄉櫃即多一分開銷串票既不准收錢紙張應由官自備迨
其易銀解省又需舟車之費凡茲各項費用悉取諸公費之中
是此項公費錢文非歸州縣之羨餘實禁浮收之樞紐自此酌
定之後倘再有不肖官吏私自加收即當分別從嚴叅辦詳請
具奏等情前來臣等覆查近來銀價異常昂貴前此既經
奏明凡遇銀價昂貴與時變通自應酌量加增今定每兩折收
錢二千二百文察者情形民力尚不致竭蹶一俟銀價再有長
落仍當酌量增減除飭司出示曉諭通飭遵照征收並嚴禁明
定章程之外不准書差需索分毫外謹附片陳奏伏乞 聖

鑒訓示謹 奏

三月十六日

浙省海塘石工片

再前准軍機大臣字寄同治六年十二月十四日奉上諭馬新
貽奏接辦西防石塘大工單開章程並繪圖呈覽一摺均著照
所議辦理此項工程須添購新石十餘萬丈浙省採辦斷難敷
用著郭栢蔭遴委委員在於洞庭茅山按照誌載尺寸六面見
光每條寬一尺二寸厚一尺長四五尺如式採辦五萬丈運浙
濟用毋稍遲誤其石價水脚運費等項均由江蘇籌款自行報
銷等因欽此經前署撫臣郭栢蔭轉飭籌議詳辦去後茲據署
蘇州府知府錢德承松江府知府楊永杰會詳前因松江府屬
華亭一帶海塘坍塌過多情形危險奉飭委員勘估即就最為
險要者先行酌辦不僅工程浩大籌費艱難而洞庭茅山採石
之區據各岩戶聲稱舊山已枯新石嬌嫩現所採取碎石居多

兵燹之後上等採匠半多流亡急切不能應手等語且松江海塘約畧估計已需經費錢三十萬串現辦稅捐各款悉歸軍餉此項工需另籌為難因地方緊要不得已請於無可設法之中陸續墊款分年興辦攤捐歸還惟因洞庭各山採石多年現在老山無可取材新山開採匪易兼之採匠稀少尚須招募是以此次松江海塘祇能塊石與碎石互用勢難採取條石明知浙江西防石塘蘇省同資保衛工程浩大向有協濟舊章斷不敢稍存畛域之見第條石既難採辦蘇省尚有海塘工程委實未能兼顧由署蘇藩司杜文瀾核詳請 奏前來臣查浙江海塘攸關兩省保衛所需石料本應無分畛域况向有協濟舊章尤不容稍事推諉惟現據該司府等逐加訪查老山採取已盡新山開採維艱兼之太湖一帶被擾最深石匠逃亡殆盡照此限

定尺寸之石又需五萬丈之多竊恐一時無從採伐除咨浙江
撫臣一面先行就近購辦以免貽誤要工臣仍嚴飭府縣設法
招集採匠俾可將華亭及浙省海塘次第興修協濟理合附片
陳明伏乞 聖鑒謹 奏

三月十六日

廣潮紳商捐輸請廣學額疏

奏為廣潮二郡紳商在上海捐輸軍需懇 恩加廣本籍潮州
府學永遠學額恭摺奏祈 聖鑒事竊照廣東省前辦紳富捐
餉業內勸令上海貿易之廣州潮州各商捐銀三萬兩即據繳
解一萬兩其餘未繳銀二萬兩經兩廣督臣瑞麟以粵省肅清
紳富捐案已於同治五年正月停止飭令毋庸捐繳等因當經
蘇松太道應寶時以粵省既因軍務肅清無須捐繳蘇省移師
撫吳奏稿一 丁政一 十三

赴北剿捻上海籌濟軍餉製軍大需費甚鉅全賴捐款協濟廣潮各商既在粵有桑梓之邦情殷報効其於蘇省貿易之地自必樂輸由該道諭飭該董楊徽猷等將已捐未繳銀二萬兩按數收齊繳充軍需許以按捐請獎嗣據該商董等收齊銀二萬兩陸續繳清聲明情殷報効不敢仰邀獎叙惟廣潮二郡歷年考試人衆每憲才浮於額除捐解粵省銀一萬兩已經兩廣督撫臣等奏准加廣州府文武學永遠定額各一名其解捐蘇省軍需銀二萬兩由道轉請奏加潮州府學永遠文武學額各二名前來臣等查與廣額章程銀數相符合無仰懇天恩俯准加廣潮州府學永遠文武學額各二名以示獎勵而廣登進除分咨禮戶兵三部外理合恭摺具奏伏乞皇上聖鑒訓示謹奏

三月十八日

海運漕糧兌竣放洋疏

奏為恭報蘇省海運漕白糧米全數兌竣放洋日期恭摺奏祈
聖鑒事竊照蘇松等屬同治七年起運六年分漕白二糧仍
由海運赴津前將頭批米石於二月初五日兌竣放洋當經恭
摺由驛馳奏一面飭催上緊剝運兌裝接續開駛北上嗣據
具報兌竣二批米船一百二十隻共裝交倉漕白正耗米一十
八萬三千二百九十九石零隨裝沙船經剝食耗等米及籌備
二升餘米於二月二十日起陸續開行放洋即經臣分別咨行
驗收防護在案茲據署蘇藩司杜文瀾署臬司勒方錡糧道奇
克坦泰會詳據海運滬局委員詳報其餘米石確據各屬接續
撥運到滬驗明米色趕緊斛兌現在全數兌竣計裝米批米船

撫奏稿一

丁政一

十四

一百二十二隻共兌運交倉漕白正耗米一十七萬二千二百
 九石零並隨裝沙船經剥食耗等米一萬八千六百一十一石
 零搭運籌備二升餘米三千四百四十四石零一律發給水脚
 等銀取領^具狀互保實裝米數各結查明水手籍貫攜帶器械填
 給聯單於三月初五日起委員押令聯幫開出吳松駛至崇明
 十激海口守風開放大洋跟踪北上等情轉詳請 奏前來伏
 查本屆海運米數較上屆稍多沙船轉形短少今竭力趕籌雇
 運全數放洋日期仍與上屆相同辦理尚能妥速除札飭上海
 捕盜局配駕輪勇各船出洋巡護催備弁飛咨沿海水師按仗
 迎提護送俾得飛駛赴津及早交兌外僅將海運漕糧全數放
 洋日期會同體仁閣大學士兩江總督一等毅勇侯臣曾國藩
 漕運總督臣張之萬恭摺由驛五百里馳陳伏乞 皇太后